

# दसलक्षण पूजन

रचयिता - कविवर ज्ञानतरायजी कृत

प्रस्तुति - तत्त्वचर्चा

# स्थापना

(आडिल्ल)

उत्तम छिमा मारदव आरजव भाव है,  
सत्य शौच संयम तप त्याग उपाव हैं ।  
आकिंचन ब्रह्मचर्य धरम दस सार हैं,  
चहुंगति दुखते काढि मुक्ति करतार हैं ।।

(आडिल्ल)



ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय ! अत्र अवतर अवतर संवौषट !

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय ! अत्र तिष्ठ तिष्ठ ठः ठः !

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय ! अत्र मम सन्निहितो भव भव वषट !



/Tatvacharcha



/Tatvacharcha

हेमाचलकी धार, मुनि-चित सम शीतल सुरभि ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-ब्रह्मचर्य-  
आदि-दसलक्षण-धर्माय जन्म-जरा-मृत्यु-विनाशनाय जलं निर्वपामिति स्वाहा ।

चन्दन केसर गार, होय सुवास दसों दिशा ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-ब्रह्मचर्य-  
आदि-दसलक्षण-धर्माय संसारताप-विनाशनाये चन्दनं निर्वपामिति स्वाहा ।

अमल अखंडित सार, तंदुल चन्द्र समान शुभ ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय अक्षय-पद प्राप्ताये अक्षतं निर्वपामिति स्वाहा ।

फुल अनेक प्रकार, महके ऊरघ -लोकलों ।  
भव-आताप निवार, दस-लच्छन पूजौं सदा । ।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय काम-बाण विध्वंसनाय पुष्पं निर्वपामिति  
स्वाहा ।

नेवज विविध निहार, उत्तम षट-रस संजुगत ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय क्षुधा-रोग विनाशनाय नैवेद्यं निर्वपामिति स्वाहा ।

बाती कपूर सुधार, दीपक-जोती सुहावनी ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय मोहान्धकार-विनाशनाय दीपं निर्वपामिति  
स्वाहा ।

अगर धुप विस्तार, फैले सर्व सुगन्धता ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय अष्टकर्मदहनाय धूपं निर्वपामिति स्वाहा ।

फल की जाति अपार, घ्राण-नयन-मन-मोहने ।  
भव-आताप निवार, दस-लच्छन पूजौं सदा । ।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय महामोक्ष-फल प्राप्ताये अर्घ्यम निर्वपामिति  
स्वाहा ।

आठो दरब संवार, धानत अधिक उछाहसौ ।  
भव-आताप निवार, दस-लच्छन पूजौं सदा ।।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-  
ब्रह्मचर्य-आदि-दसलक्षण-धर्माय अनर्घ्य पदप्राप्तये अर्घ्यम निर्वपामिति स्वाहा ।

(सोरठा)

पीडे दुष्ट अनेक, बांध मार बहुविधि करम ।  
धरिये छिमा विवेक, कोप न कीजे पीतमा ।।

उत्तम छिमा गहो रे भाई, इह-भव जस पर-भव सुखदाई ।  
गाली सुनि मन खेद न आनो, गुन को औगुन कहे अयानो ।।

(सोरठा)

कहि हैं अयानो वस्तु छीने, बांध मार बहुविधि करे ।  
घर ते निकारे तन विदारे, बैर जो न तहां धरे ॥

तै करें पूरब किये खोटे, सहे क्यों नहीं जियरा ।  
अति क्रोध अग्नि बुझाय प्रानी, साम्य-जल ले सीयरा ॥ १ ॥

ॐ ह्रीं उत्तम-क्षमा धर्मागाय अर्घ्यम निर्वपामिति स्वाहा ।

(सोरठा)

मान महाविषरूप, करहि नीच-गति जगत में ।  
कोमल सुधा अनूप, सुख पावे प्राणी सदा । ।

उत्तम मार्दव गुन मनमाना, मान करन को कोन ठिकाना ।  
वस्यो निगोद माहि तै आया, दमरी रुकन भाग बिकाया । ।

(सोरठा)

रुकन बिकाया भाग वशतै, देव एक-इंद्री भया ।  
उत्तम मुआ चांडाल हुवा, भूप कीड़ो में गया ।।

जीतव्य जोवन धन गुमान, कहा करे जल-बुदबुदा ।  
करी विनय बहु-गुन बड़े जनकी, ज्ञान का पावे उदा ।। २ ।।

ॐ ह्रीं उत्तम-मार्दव धर्मागाय अर्घ्यम निर्वपामिति स्वाहा ।

(सोरठा)

कपट न कीजे कोई, चोरन के पूर ना बसे ।  
सरल सुभावी होय, ताके घर बहु सम्पदा । ।

उत्तम आर्जव रीती बखानी, रंचक दगा बहुत दुःख दानी ।  
मन में हो सो वचन उचरिये, वचन होय सो तन से करिये । ।



(सोरठा)

करिये सरल तिहु जोग अपने, देख निर्मल आरसी ।  
मुख करे जैसा लखै तेसा, कपट-प्रीति अंगारसी । ।



नहिं लहे लछमी अधिक छल करि, कर्म-बन्ध विशेषता ।  
भय त्यागी दूध बिलाव पीवे, आपदा नहीं देखता । । ३ । ।

ॐ ह्रीं उत्तम-आर्जव धर्मागाय अर्घ्यम निर्वपामिति स्वाहा ।



(सोरठा)

धरी हिरिदे संतोष, करहु तपस्या देह सों ।  
शौच सदा निरदोष, धरम बड़ो संसार में । ।

उत्तम शौच सर्व जग जाना, लोभ पाप को बाप बखाना ।  
आशा-पास महा दुःख दानी, सुख पावे संतोषी प्रानी । ।

(सोरठा)

प्रानी सदा शुची शील जप तप, ज्ञान ध्यान प्रभाव तै ।  
नित गंग जमुन समुद्र नहाये, अशुचि-दोष स्वाभाव तै । ।

ऊपर अमल मल भरयो भीतर, कौन विधि घट सूचि कहे ।  
बहु देह मैली सुगुन-थैली, शौच-गन साधू लहे । । ४ । ।

ॐ ह्रीं उत्तम-शौच धर्मागाय अर्घ्यम निर्वपामिति स्वाहा ।

(सोरठा)

कठिन वचन मत बोल, पर निंदा अरु झूठ तज ।  
सांच जवाहर खोल, सतवादी जग में सुखी । ।

उत्तम-सत्य-वरत पा लीजे, पर-विश्वातघात नहीं कीजे ।  
साचे-झूठे मानुष देखो, आपण पूत स्वपास न पेखो । ।

(सोरठा)

पेखो तिहायत पुरुष साचे, को दरब सब दीजिये ।  
मुनिराज-श्रावक की प्रतिष्ठा, साँच गुण लख लीजिये ।।

ऊँचे सिंहासन बैठे वसु नृप, धरं का भूपति भया ।  
वच झूठ सेती नरक पंहुचा, सुरग में नारद गया ।। ५ ।।

ॐ ह्रीं उत्तम-सत्य धर्मागाय अर्घ्यम निर्वपामिति स्वाहा ।

(सोरठा)

काय छहों प्रतिपाल, पंचेन्द्रिय मन वश करो ।  
संयम रतन संभाल, विषय-चोर बहु फिरत हैं ।।

उत्तम संयम गहू मन मेरे भव-भव के भाजे अघ तेरे ।  
सुरग-नरक पशुगति में नाही, आलस हरन करन सुख ठाही ।।

(सोरठा)

ठाही पृथ्वी जल आग मारुत, रुख त्रस करुना धरो ।  
सपरसन रसना घ्रान नैना, कान मन सब वश करो । ।

जिस बिना नहीं जिनराज सीझे, तू रुल्यो जग कीच में ।  
इक घरी मत विसरो करी नित, आव जम मुख बीच में । । ६ । ।

ॐ ह्रीं उत्तम-संयम धर्मागाय अर्घ्यम निर्वपामिति स्वाहा ।

(सोरठा)

तप चाहे सुरराय, करम शिखर को वज्र हैं ।  
द्वादस विधि सुखदाय, क्यों न करे निज शक्ति सम । ।

उत्तम तप सब माहि बखाना, करम-शैल को वज्र समाना ।  
वस्यो अनादी निगोद मंझारा, भू विकलत्रय पशु तन धारा । ।

(सोरठा)

धारा मनुष तन महादुर्लभ, सुकुल आयु निरोगता ।  
श्रीजैनवाणी तत्वज्ञानी, भई विषय-पयोगता ।।

अति महा दुरलभ त्याग विषय, कषाय जो तप आदरै ।  
नर-भव अनुपम कनक घर पर, मणिमयी कलसा धरै ।। ७ ।।

ॐ ह्रीं उत्तम-तप धर्मागाय अर्घ्यम निर्वपामिति स्वाहा ।

(सोरठा)

दान चार परकार, चार संघ को दीजिये ।  
धन बिजुली उनहार, नर-भव लाहो लीजिये । ।

उत्तम त्याग कह्यो जग सारा, औषध शास्त्र अभय सहारा ।  
निहचे राग द्वेष निरवारे, ज्ञाता दोनों दान संभारे । ।

(सोरठा)

दोनों संभारे कूप-जल सम, दरब घर में परिनया ।  
निज हाथ दीजे साथ लीजे, खाय खोया बह गया ।।

धनि साध शास्त्र अभय दिवैया, त्याग राग विरोध को ।  
बिन दान श्रावक साधू दोनों, लहैं नहीं बोध को ।। ८ ।।

ॐ ह्रीं उत्तम-त्याग धर्मागाय अर्घ्यम निर्वपामिति स्वाहा ।

(सोरठा)

परिग्रह चौबीस भेद, त्याग करे मुनिराज जी ।  
तिसना भाव उछेद, घटती जान घटाइये ।।

उत्तम अकिंचन गुण जानो, परिग्रह चिन्ता दुःख ही मानो ।  
फाँस तनस सी तन में साले, चाह लंगोटी की दुःख भाले ।।

(सोरठा)

भाले न समता सुख कभी नर, बिन मुनि मुद्रा धरें ।  
धनि नगन पर तन-नगन ठाई, सुर-असुर पायनी परै । ।

घरमाहीं तिसना जो घटावे, रूचि नहीं संसार सौ ।  
बहु धन बुरा हु भला कहिये, लीं पर उपगार-सौ । ।

ॐ ह्रीं उत्तम-आकिंचन धर्मागाय अर्घ्यम निर्वपामिति स्वाहा ।

(सोरठा)

शील-बाढ़ नौ राख, ब्रह्मा भाव अंतर लखो ।  
करी दोनों अभिलाख, करहु सफल नरभव सदा । ।

उत्तम ब्रह्मचर्य मन आनो, माता बहिन सुता पहिचानो ।  
सहे बान-वरषा बहु सुरे, टिके न नैन-बान लखि कुरे । ।

(सोरठा)

कुरे तिया के अशुचि तन में, काम-रोगी रति करें ।  
बहु मृतक सडहिं मसान माहीं, काग ज्यो चोच भरे ।।

संसार में विष बेल नारी, तजि गए जोगिश्वरा ।  
नत धरं दस पैडी चढ़ीके, शिव-महल में पग धरा ।।

ॐ ह्रीं उत्तम-ब्रह्मचर्य धर्मागाय अर्घ्यम निर्वपामिति स्वाहा ।

# जयमाला

दस लच्छन वंदो सदा, मनवांछित फलदाय ।  
कहो आरती भारती, हम पर होहु सहाय । ।

उत्तम क्षिमा जहाँ मन होई, अंतर-बाहिर शत्रु न कोई ।  
उत्तम मार्दव विनय प्रकाशे , नाना भेद ज्ञान सन भासे । ।

# जयमाला



उत्तम आर्जव कपट मिटावे, दुरगति त्यागी सुगति उपजावे ।  
उत्तम सत्य वचन मुख बोले, सो प्राणी संसार न डोले । ।

उत्तम शौच लोभ-परिहारी, संतोषी गुण-रतन भण्डारी ।  
उत्तम संयम पाले ज्ञाता, नर-भव सकल करे ले साता । ।



/Tatvacharcha



/Tatvacharcha

# जयमाला



उत्तम तप निर्वांछित पाले, सो नर करम-शत्रु को टाले ।  
उत्तम त्याग करे जो कोई, भोगभूमि-सुर-शिवसुख होई । ।

उत्तम आकिंचन व्रत धारै, परम समाधी दसा विस्तारे ।  
उत्तम ब्रह्मचर्य मन लावे, नर-सुर सहित मुकती-फल पावे । ।

ॐ ह्रीं उत्तम-क्षमा-मार्दव-आर्जव-शौच-सत्य-संयम-तप-त्याग-आकिंचन-ब्रह्मचर्य-  
आदि-दसलक्षण-धर्माय जयमाला पूर्णार्घ्यं निर्वपामिति स्वाहा ।



/Tatvacharcha



/Tatvacharcha

(दोहा)

करे करम की निरजरा,  
भव पिंजरा विनाश ।  
अजर अमर पद को लहे,  
द्यानत सुख की राश । ।

इत्याशीर्वादः पुष्पाञ्जलिं क्षिपेत्